

I Phiero

1

Bàu hmàih ka oh daq...

¹ Phiero mangai tiaq cla da Chauq Jesus Christ , achih ka bài mangai rih paclac tagùng Bong , Galati , Capbađoc , Asi xam gùng Bithini , aih bài mangai khoe jah raih , ² tiaq kan loq dèh adroe da Boc Plinh , aih Baq , jah kan basròeh enh Yiang Hadròeh , hu iu tiaq Chuaq Jesus Christ òeq jah hadai wiang rai mahim haq : Waiq kan tabàih dech xam kan catèm jah rai èh rai bàc ka oh daq.

Kan tangèh da mangai tiaq Chuaq.....

³ Manè apôi Boc Plinh , Baq da Jesus Christ aih Chuaq bèn , haq khoe yóc manoh loq waq kàn kaiq òeq broq bèn jah ha-uang lauq , òq bèn canòm kan rih hlài enh mangai cachit da Chuaq Jesus Christ òeq hu jah kan tangèh rih , ⁴ aih raq kùng hang ùh raliang hnhung , ùh axiang , ùh lùch khoe padon ta plinh òeq am ka oh daq . ⁵ aih bài mangai i manoh lùl canòm ka cwiang itai da Boc Plinh wèq am , òeq hu jah kan dèch claih , ma khoe ten loh ta hì atiq lùch . ⁶ Oh daq lem bùi ka biac aih , yac ka manòeq kô oh daq glàm kan qnhro bàc trong broq ka oh daq ep mangò ðeh toq biao , ⁷ bài kan qnhro aih broq ka manoh lùl da oh daq jah yeo lem ùh hnau ka wang aih hang ma loq om hech yac ka khoe bùh xi ùnh , òq oh daq jah bàu manè , jah padèch ta kan qngah qngai jò Chuaq Jesus Christ loh ta crõng taneh . ⁸ Haq aih Mangai oh daq ùh hnoq mahaq camet , yac ka manòeq kô oh daq qnhòq hnoq haq , mahaq oh daq lùl haq , rai lem bùi pì cajaq ta kan ranhòm . ⁹ jah kan baha ka manoh lùl da oh daq aih la kan dèch mahua yiang oh daq .

¹⁰ Anoe trùh kan dèch aih , bài mangai pajàu khoe ti hamrih ti boq chaq , khoe capoch bàu pajàu trùh kan tabàih ma khoe taqmroq òeq ka oh daq : ¹¹ aih wì chaq waq ka jah loq qnhòng leq , qmang leq cadèh Yiang Hadròeh da Christ ma oe ta wì haq khoe mahnu , jò chôn anoe panhìn kan xalep da Christ xam kan ranhòm tiaq atiq ka aih . ¹² Wì aih , khoe loq ùh xài wì haq patih ka cla raðeh mahaq ka oh daq , aih bài biac manòeq kô ma khoe anoe qnoh ka oh daq , loh enh bài mangai ma canòm ka Yiang Hadròeh enh plinh , òeq hnài Bàu Lem am ka pì , bài bình plinh hadai tangèh jah hnoq bài yiniq kô .

Pariaq the rih hadròeh rai loq waq.

¹³ Qmang aih , oh daq ep cachang òeq ta gàu ngoc tiah ka rìt caqnam, loq amàn , yóc ðiq ka manoh ngèh òeq gòm kan tabàih jah am ka raðeh jò Chuaq Jesus Christ trùh . ¹⁴ Oh daq khoe wia wì kon ma loq iu bàu , aih apaq broq tiaq kan dù enh nèh , jò pì oe raq qnhòq qnì cleq . ¹⁵ Mahaq tiah ka Mangai ma creo ka oh daq aih hadròeh , aih èh ta rìm trong acaq oe , oh daq hadai ep hadròeh , ¹⁶ majah qmang aih i bàu achih rameh : “Ep hadròeh ,majah qmang aih au kô hadròeh”.

¹⁷ Tàng oh daq creo ka Mangai ma ùh hiaq loq waq ka apah , mahaq hadrah ka tang ngai tiaq tang yiniq wì haq ma broq , aih Baq , qmang aih drah yóc manoh loq iu yùq òeq hu rih acaq taqnòng rih òkô , ¹⁸ majah qmang aih , bèn loq ùh xài canòm bài dahwèq ma loq om loq bùc qmang ka bac ka wang oh daq ma khoe jah baxon claih ka trong rih acaq ùh loh cleq da kan cadraq ma khoe òeq hlài ka bèn , ¹⁹ mahaq xi mahim canaq da Christ , tiah ka mahim kon triu ùh i ka xit ùh i ka habau , ²⁰ ma khoe padon qmòe enh adroe ka broq plinh crõng taneh , khoe jah paqnoh taqnòng atiq lùch kô am ka oh daq . ²¹ aih bài mangai khoe canòm ajang Chuaq Jesus Christ òeq lùl Boc Plinh , aih Mangai ma khoe broq ka Chuaq Jesus Christ enh mangai cachit rih hlài rai am ka haq kan ranhòm , òeq manoh lùl xam kan tangèh da oh daq canòm ðiq ka Boc Plinh ²² Manòeq kô oh daq khoe canòm ka bàu joq qnàng òeq broq hreo dèh mahua yiang , òeq i manoh loq waq ka dabau joq qnàng , loq ha-och ka dabau ðiq ka manoh . ²³ oh daq khoe

jah hauang lauq , ùh xài xi adrech loq om hech , mahaq xi adrech ùh om ùh hech , aih xi bàu kan rih cajap cajinh da Boc Plinh . ²⁴ Majah qmang aih :

Rim xech akia bu diang nhat ,

Kan nhòm da haq bu diang riang nhat .

Nhat croh, riang hadrùih .

²⁵ Mahaq bàu da Chuaq oe mòeq òe . Aih raq Bàu lem khoe anoe qnoh ka oh daq .

2....

Jesus aih hmo rih

¹ Qmang aih , oh daq khoe cađac rim trong ngang dù , kan loq qnùt , kan ti patiah , manoh loq tajênh xam bàu capoch troq . ² aih drah bêh diac tôh yiang , tiah ka kon qyoh neo hauang , òq oh daq canòm ajang aih hu jah yòng kàn òeq jah dèch dèh mahua yiang , ³ tàng oh daq khoe loq Chuaq Jesus aih lem . ⁴ Drah thia ten ka haq , aih hmo rih mahaq ti kống kon mangai khoe khwênh đac , mahaq khoe jah raih jah òi wia hmo canaq enh ngèa Boc Plinh . ⁵ oh daq hadai tiah ka hmu rih , jah broq hnim yiang , broq pajàu hadròeh , òeq hu dèch ramènh yiang , canòm ka Chuaq Jesus Christ òeq jah lem ka manoh Boc Plinh . ⁶ Majah qmang aih ta Hset Hadròeh i achih rameh :

“ Ngan kô ! Au òeq ta Siôn ,
mòeq toq hmo mùm hnim canaq khoe jah raih ,
cabô lùì Haq aih ,
ùh jò leq ep camaih” .

⁷ Qmang aih , ka oh daq ma khoe lùì , aih hmo canaq , mahaq ka mangai ma ùh lùì , aih hmo thòq broq hnim khoe tèm đac , Mahaq khoe wia hmo mùm hnim ...

⁸ Aih hmo :

“broq ka mangai kan catoeh ,
hmo broq ka tacro” .

wi catoeh ka hmo aih taiq wi ùh iu tiaq Bàu , trong aih khoe têu òeq ka wi haq enh adroe . ⁹ Mahaq oh daq aih adrech ma khoe jah raih , aih la pajàu da hnim bùa , aih xinoe hadròeh , aih mangai da Boc Plinh , òeq ka oh daq lam anoe kan loq waq da Boc Plinh aih Mangai ma khoe creo ka oh daq loh enh noè clam cluiq , trùh ta kan òi jaq qngah qngai da haq . ¹⁰ oh daq nêh haq ùh xài mòeq xinoe , yàng manòeq kô aih xinoe da Boc Plinh , nêh haq ùh jah kan loq waq , yàng manòeq kô jah ka loq waq.

¹¹ Yôi yôiq oh daq da au , oh daq bu dàng mangai enh diac qnoeq , mangai lam ka trong , au pariaq oh daq ep wia ka hangai bài yiniq xech akia ma ònh , aih bài yiniq ma tablêq hlài ka mahua yiang pì . ¹² Ep rih lem jang taqne mangai diac wi , òq wi haq aih mangai ma toq capoch qmèq đac ka oh daq tiah taiq ka mangai ngang dù , hnoq yiniq broq lem da oh daq , aih èh hi Chuaq ma trùh hmài ka bèn , wi haq jah manè apôi Boc Plinh .

¹³ Taiq Chuaq , pì majah ep iu tiaq ranenh kon mangai paqnoh , yac ka bùa , aih mangai i cwàng haqnêq , ¹⁴ yac ka bài cwan , aih mangai bùa ma thê haq trùh òeq baxa mangai ma broq dù , òeq manè mangai broq lem . ¹⁵ Majah qmang aih , manoh Boc Plinh ma enh aih oh daq broq trong lem òeq bát həcùng bàu bài mangai blùng ratút . ¹⁶ Drah rih tiah ka mangai ma pì tawac , mahaq apaq yòc kan ùh tawac aih hu broq bài prinh kan dù , ep ngan rađeh kô hapòng òc da Boc Plinh . ¹⁷ Khòh loq ta-iu ka rim ngai , loq waq ka oh daq , iu yùq ka Boc Plinh , loq iu bùa .

Mangai broq òeh hapong

¹⁸ Mangai hapõng, ep yõc manoh diq jah loq iu yùq ka Boc Plinh òòeq iu tiaq dèh cla craq , ùh xài toq ka cla craq ma khun khuq loq hèm ka oh daq , mahaq hloe xam cla craq ma ùh taq atoq . ¹⁹ majah qmang aih joq khòh manè , tàng cabô taiq manoh loq yùq ka Boc Plinh dài haq majah ep chiùq dèh kan xalep ta kan ùh taq atoq . ²⁰ Tàng oh daq broq qmèq , oh daq chiùq àt jò wì jêh , aih i cleq hu catèh ? Mahaq tàng oh daq broq lem , yàng ep chiùq kan xalep , aih raq xôq ramot enh ngèa Boc Plinh . ²¹ Oh daq khoe jah creò trùh jang aih , majah qmang aih Christ khoe chiùq xalep ka oh daq , òòeq broq dua ka oh daq hnoq , dòq oh daq hu tiaq teo jènh haq . ²² Haq qnhòq i broq qmòe yiniq lui cleq , ta hacùng haq ùh i mòeq nà bàu paqnùt . ²³ Jò wì hnap hnuq , haq ùh da hnap hlài , chiùq nanxa haq ùh hacam hlài ka wì , mahaq phùq rađeh ka Boc Plinh aih Mangai hadrah taq atoq , haq pòq wê đổng yiniq lui bèn ta chac haq tanòe long pagat , dòq bèn mangai khoe cachit ta yiniq lui , jah rih ka kan taq atoq , canòm ka teo rabàn ta chac haq bèn jah brêh ka yiniq .

²⁴ Majah qmang aih oh daq tiaq ka triu lac , yàng manòeq khoe jah hlài ti Mangai ban triu xam Mangai wèq mahua yang pì .

3.....

Õng mai rih ti dabau

¹ Hadaì qmang aih , mangai broq mai ep iu tiaq deh õng , òòeq tàng loq i mangai õng leq ùh tiaq trong Chuaq , yac ka ùh anoe xi bàu , yàng hnoq trong mai haq rih acaq , aih èh haq hi tiaq diq .

² majah qmang aih ,haq hnoq trong acaq oe da pì aih hliang lem loq iu . ³ Ùh dùh chaq dahwèq òòeq anì toq enh gùng , qmang ka broq xác , asràng wang , atàc toq eo cwàn lem canaq. ⁴ mahaq ti chaq kan palàng enh dalam , aih kan hliang lem ùh hnhung lùch ùh atêh atong da manoh laq alàng , aih trong lem enh ngèa Boc Plinh ⁵ Majah qmang aih bài gucadri hadròeh calah nêh , tangèh canòm ka Boc Plinh , chiùq iu tiaq deh õng , diq palàng rađeh qmang aih. ⁶ qmang ka Sara iu tiaq Apraham , creò ka Apraham aih craq da rađeh , tàng pì broq trong lem , ùh i yiniq cleq broq ka pì ep yùq crè ta manoh , aih èh pì hi wìa kon adrùh da Sara . ⁷ Hanoh qmang aih , mangai broq õng , drah mahnu dèh kan rabiaq ta trong rih acaq dèh ti cadri , ep loq hèm ka wì haq , majah qmang aih wì haq yeo ùh nèn dèh , qnah hòm wì haq hadai wiang jah xôq ramot kan rih ti oh daq , dài majah ep ta-iu ka wì ,dòq ùh hiaq i yiniq cleq broq ka pì manhài jò waiq khàn.

Chiùq xa-ep jò broq trong lem

⁸ Pulùch , diq đổng oh daq ep mòeq manoh bình kan loq tamèt xam kan loq waq ka dabau , i manoh loq hanò rai loq hacom hamon rađeh .⁹ Apa qyõc kan dù òòeq patem chau kan dù , apa qyõc bàu qmèq hu patem ka bàu qmèq , mahaq ep waiq xôq ramot ka wì , taiq ajang aih raq oh daq ma khoe jah creò òòeq hu jah xôq ramot .

¹⁰ Èh hòm :

Mangai leq bêh kan rih ,
Enh jah hnoq hi lem .
Haq aih ep wèq dèh hacùng bàu ,
Apaq capoch trong dù xam bàu loq qnùt .

¹¹ Ep wìa ka trong dù , broq trong lem ,
Chaq kan catèm òòeq hnan tiaq

¹² Majah qmang aih mat da Chuaq haqmiang ngan mangai taq atoq ,
Don Haq ti tamàng bàu waiq khàn da wì aih .
Mahaq hadrò Chuaq tablêq hlài ka mangai broq dù .

¹³ Tàng oh daq nhet ka broq lem , aih ma i cabô ma broq qmèq òòeq habò hlài ka oh daq ?¹⁴ Tàng oh daq broq troq mahaq ep chiùq kan xalep , aih oh daq jah xôq ramot . Apa qyùq ka bàu wì

hacam , hadai apaq hlè ta manoh . ¹⁵ Mahaq ta manoh oh daq ep padèch Christ broq Cla craq rađeh. Yac ka jò leq dua padon òdeq hu padreo bàu ka mangai ma bòch trùh kan tangèh da oh daq , mahaq ep khun khuq rai loq ta-iu. ¹⁶ ep i manoh hliang lem , òq bài mangai ma halè trong rih acaq lem lình da oh daq ta dalam ka Christ , ep camaih dèh ka bàu wì haq ma capoch troq oh daq . ¹⁷ tàng manoh Boc Plinh khoe enh dèh qmang aih , òq , bèn chiùq xalep jò broq trong lem aih yeo lem ka chiùq xalep ka broq trong qmèq . ¹⁸ Majah qmang aih Christ hadai khoe chiùq cachit ka yiniq lui mòeq yàng , haq aih kan taq ataq am ka mangai ùh taq ataq òdeq aràng bèn trùh ti Boc Plinh , yac ka chac hamac da haq khoe cachit , mahaq mahua yiang da haq oe rih . ¹⁹ xi mahua yiang aih haq lam anoe ka bài mahua yiang ma qnang oe tù , ²⁰ aih bài mangai enh qnhòng nèh khoe ùh iu tiaq Boc Plinh , ta qnhòng da Nô-ê , aih jò Boc Plinh khoe chiùq àt chiùq gòm trùh jò boang jah broq gèh , i toq biao ngai raq jah dèch claih khoe ka diac kàn , ta aih rahem ngai dech do . ²¹ Diac hanam aih , broq qmù ramènh baptem manòeq kô òdeq dèch oh daq , ramènh aih ùh xài òdeq qnheo hreo kan amù da chac hamac, mahaq tiaq ka bàu hatèu lem hloh enh manoh qngah hliang da oh daq am ka Boc Plinh , canòm ajang kan rih hlài da Chuaq Jesus Christ , ²² aih Mangai ma khoe hlài ta plinh , manòeq kô qnang haqngui enh qma Boc Plinh , bài bình plinh , bài bùa, xam bài wèq cwiang diq enh qneq ka Haq .

4

Kan rih maneo

¹ Qmang aih , tiaq ka chac hamac da Christ khoe chiùq xa chiùq jìq , oh daq hadai padon dèh manoh qmang aih diq , majah qmang aih mangai leq chiùq jìq chiùq xalep ta chac hamac aih khoe jah claih ka yiniq lui . ² waq toq oe rih ta chac kô pang leq , aih pi dùh tiaq cadèh hòm trong kon mangai ta crông tanèh kô ma ònh , mahaq ep tiaq manoh Boc Plinh enh . ³ Nèh haq oh daq khoe rih tiaq kan qmèq da wì enh gùng : tuàng buàng, enh toq trong mèq , bù bia , acaq ôq pi palap , pagôq racaih , kùh waiq kiac qmù . ⁴ Wì hnoq oh daq ùh broq tiaq wì haq trong tango anang , aih wì loh ka hamàih rai jù lê oh daq . ⁵ Mahaq wì haq ep taqmon hlài ka Mangai ma padon hadrah mangai rih xam mangai cachit . ⁶ Taiq aih raq , Bàu Lem majah khoe ep anoe ka mangai cachit , òdeq atiq ka jò wì haq khoe ep pòq kan hadrah tiaq chac da kon mangai , mahua yiang wì haq jah rih ti Boc Plinh .

⁷ Kan atiq lùch da rim yiniq khoe haqnap ,ep rabiaq rai loq hamang òdeq waiq khàn . ⁸ Adroe aih , rim ngai ep i manoh nhet ka loq waq ka dabau joq qnàng , majah qmang aih kan loq waq jah gahnáp bàc yiniq lui . ⁹ Mangai kô xam mangai tau ep òh dabau ma laq alàng apaq mamùc . ¹⁰ Rìm ngai ep yòc dèh kan tabàih òh ma khoe jah òdeq wiang hanò ka dabau , tiaq ka mangai wèq kùng hang ma ùh tablòq manoh, wèq bài kan tabàih dech crài ka dabau da Boc Plinh . ¹¹ Tàng loq i cabô broq mangai hnài , aih ep capoch wop qmang ka bàu ma loh enh Boc Plinh , tàng loq i cabô patih trong leq , haq ep patih xi padren Boc Plinh tah am , òdeq yiniq Boc Plinh jah qngah rim trong ajang Chuaq Jesus Christ , aih Mangai jah kan ranhòm , cwiang itai mòeq òde ùh lùch Amen .

Bàu pariaq bòe mangai xalep ka Chuaq

¹² Oh daq da au , jò pì oe ta tanùh ùnh kan qnhro , apaq hamàih tiaq taiq ka rađeh glàm bài kan lah halac . ¹³ Mahaq oh daq wiang jah nanxa ti Christ pang leq , aih drah lem bùi pang aih, òdeq hì ranhòm da Christ trùh , oh daq hadai wiang jah kan lem bùi diq jaq .

¹⁴ Tàng joq taiq yiniq Chuaq Jesus Christ wì jù lê capoch qmèq òde ka oh daq, aih pì jah xôq , majah qmang aih kan ranhòm xam Yiang Hadròeh da Boc Plinh jràp enh qnhèq ka pì .

¹⁵ Taqne oh daq apaq i cabô chiùq xa tiaq ka mangai jêh òde mangai , tiaq ka mangai atùng , tiaq ka mangai ratauq , tiaq ka mangai ti chaq baxrùq yiniq mangai qnoeq . ¹⁶ Mahaq cabô chiùq xa taiq òh tiaq Chuaq , aih apaq camaih , mahaq drah manè apôi Boc Plinh taiq rađeh khoe jah pòq

wê yiniq haq aih. ¹⁷ Majah qmang aih khoe trùh jò , aih jò kan hadrah jah baxèm qmòe enh hnim Boc Plinh , tàng baxèm enh bèn , kan pulùch da bài mangai ma ùh iu tiaq Bàu Lem da Boc Plinh aih èh qmang leq cadèh ? ¹⁸ Tàng joq mangai taq atoq ùh i hlàu cleq ka jah dèch , aih èh bài mangai ùh i ka Boc Plinh , bài mangai i yiniq lui qmang leq cadèh ? ¹⁹ Qmang aih bài mangai chiùq xalep tiaq manoh Boc Plinh enh , apaq tagah ka broq trong lem òeq phùq dèh mahua yiang ka Mangai broq plinh crông taneh ma ùh jò leq tablòq manoh .

5

Achih ka gucraq wèq tagop xam ka bòe guqyoh

¹ Au tanap bàu ka bài gucraq ma oe qne oh daq , au kô hadai gucraq qmang ka wì aih , au kô mangai ma khoe hnoq qmòe kan jìq kan xalep da Christ , mangai ma hadai wiang jah kan ranhòm ma padon trùh kô èh . ² drah wèq ban tagop da Boc Plinh ma khoe thê oh daq , broq yiniq aih ùh xài i cabô panan mahaq taiq kan lem bùi ta manoh , ùh xài òeq hu yóc kùng baha ùh hadròeh , mahaq taiq diq dèh manoh , ³ ùh xài òeq hu broq bùa bài kon trùu enh qneq ka cwìang oh daq, mahaq òeq broq dua lem ka wì . ⁴ Jò Mangai ma broq gàu bài mangai ban trùu trùh , aih èh oh daq hi jah cadoh diac plinh qngah lem , ùh jò leq bròq croh .

⁵ Hadai qmang aih bài mangai qyoh hanam, ep iu tiaq wì gucraq . Rìm ngai ep caxùnh yóc kan loq hamon rađeh , majah qmang aih Boc Plinh tablêq ka mangai loq padèch rađeh , mahaq am xôq ramot ka mangai loq hamon rađeh . ⁶ qmang aih , drah qnoh rađeh enh qneq ka tì kông i cwìang itai da Boc Plinh , òeq trùh jò dèh jò , haq hi dèch atóc oh daq . ⁷ Drah qnèp dõng ka haq kan yùq crè ta manoh , majah qmang aih haq mangai ma wèq ban pì .

⁸ Drah loq kèn rai loq clang ka rađeh :Mangai mangai ma tagit ka pì tiah ka baco ka ùm ,ti lam dudan ka pì òeq ti chaq ngan mangai leq haq jah lonh . ⁹ Ep yòng cajap ta manoh lù òeq hu tablêq ka haq , majah qmang aih bèn loq oh daq bèn jàp jia ta crông taneh kô hadai glàm nan no tiah ka bèn . ¹⁰ Boc Plinh aih xem da rìm kan tabàih khoe creò ka oh daq trùh ta kan ranhòm mòeq òe da haq enh dalam ka Jesus Christ , jò oh daq khoe chiùq xalep ò toq bìa , aih èh cla haq raq broq ka oh daq jah gèh geo , hagu haghình rai tah tam paden ka oh daq . ¹¹ Waiq kan i cwìang itai hlài diq ta haq , mòeq òe ùh diq ùh lùch ! Amen.

¹² Au canòm ka Sinwan , mangai oh daq ùh tablòq manoh , au achih toq bìa nà kô òeq hu pariaq oh daq, hu panhìn ka oh daq loq aih joq kan tabàih dech enh Boc Plinh , oh daq ep yòng cajap ta aih . ¹³ Tagop Hadròeh da bài mangai jah ràih oe ta Babylôn , i bàu hmàih ka oh daq , kon da au aih Mõc hanoh qmang aih . ¹⁴ Oh daq ep yóc kan loq waq òeq hìp hmàih ka dabau . Waiq kan catèm oe diq ti oh daq ma oe ta Chuaq Jesus Christ !